

ილიას სახელმწიფო უნივერსიტეტის მაგისტრატურის საგანმანათლებლო პროგრამის სტანდარტი

1. დებულების მოქმედების სფერო

ეს დებულება განსაზღვრავს ილიას სახელმწიფო უნივერსიტეტში მაგისტრატურის ფუნქციონირებისა და მაგისტრის აკადემიური ხარისხის მინიჭებისათვის აუცილებელ ზოგად მოთხოვნებს "უმაღლესი განათლების შესახებ" საქართველოს კანონისა და ილიას სახელმწიფო უნივერსიტეტის წესდების შესაბამისად.

2. მაგისტრატურის საგანმანათლებლო პროგრამის (შემდგომში - სამაგისტრო პროგრამა) მიზანი

2.1. მაგისტრატურა არის უმაღლესი აკადემიური განათლების მეორე საფეხური, რომელიც ორიენტირებულია სათანადო (მათ შორის - სამეცნიერო კვლევის) უნარების გამომუშავებასა და შესაბამისი სფეროს ღრმა და სისტემური ცოდნის დაუფლებაზე, ამზადებს პირს მიღებული კვალიფიკაციით მუშაობისათვის საქართველოს კანონმდებლობით დადგენილი შეზღუდვების გათვალისწინებით ან/და დოქტორანტურაში სწავლისათვის.

2.2. ილიას სახელმწიფო უნივერსიტეტის სამაგისტრო პროგრამის მიზანია, მისცეს სტუდენტს შესაძლებლობა, შეცვალოს სპეციალობა¹, მოახდინოს მის მიერ არჩეულ სფეროში ცოდნის სპეციალიზირება და გამოუმუშაოს მას სამეცნიერო კვლევის ჩვევები. ის იძლევა სამეცნიერო კვლევითი მუშაობის, შემდეგ საფეხურზე სწავლის გაგრძელების, პროფესიული განვითარებისა და კვალიფიკაციის ამაღლების შესაძლებლობას.

3. სამაგისტრო საფეხურზე მიღება

მაგისტრატურაში სწავლის უფლება აქვს ბაკალავრს ან მასთან გათანაბრებული აკადემიური ხარისხის მქონე პირს.

4. სამაგისტრო საფეხურზე მიღების პირობები

4.1. სამაგისტრო საფეხურზე ჩარიცხვისთვის აუცილებელია:

- ა) საერთო სამაგისტრო გამოცდის წარმატებით ჩაბარება;
- ბ) ფაკულტეტის/სკოლის მიერ დადგენილი ჩარიცხვის სხვა შესაძლო კომპონენტების შესაბამისობა, მათ შორის - შესაბამისი პროგრამით განსაზღვრული საუნივერსიტეტო გამოცდის/გამოცდების წარმატებით ჩაბარება.

4.2. ფაკულტეტი/სკოლა ვალდებულია:

- ა) წინასწარ და სრულად გამოაქვეყნოს ჩარიცხვისა და საუნივერსიტეტო გამოცდის/გამოცდების არსებობის შემთხვევაში - რანჟირების წესი და პირობები;
- ბ) საუნივერსიტეტო გამოცდის/გამოცდების დანიშვნის შემთხვევაში, გამოცდის/გამოცდების

¹ დარგის სპეციფიკის გათვალისწინებით, რეგულირებადი სამაგისტრო პროგრამა შეიძლება წარდმოაგენდეს გამონაკლისს

თარიღამდე მინიმუმ ერთი თვით ადრე გამოაქვეყნოს მაგისტრანტობის კანდიდატის შეფასების კომპონენტები და კრიტერიუმები;

გ) ამოქმედოს აპელირების გამჭვირვალე სისტემა.

4.3. ფაკულტეტს/სკოლას ან ცალკეულ სამაგისტრო პროგრამას შეიძლება ჰქონდეს დამატებითი მოთხოვნები.

4.4. რეგულირებადი საგანმანათლებლო პროგრამის შემთხვევაში სწავლის მაგისტრატურაში გასაგრძელებლად მაგისტრანტობის კანდიდატს უნდა ჰქონდეს შესაბამისი ბაკალავრის, დიპლომირებული მედიკოსის/სტომატოლოგის ან მათთან გათანაბრებული აკადემიური ხარისხი;

4.5. მაგისტრანტობის კანდიდატთა ხელშეწყობისა და სტუდენტთა მობილობის მიზნით უმაღლეს საგანმანათლებლო დაწესებულებაში სწავლა საერთო სამაგისტრო გამოცდების გავლის გარეშე, საქართველოს განათლებისა და მეცნიერების მინისტრის მიერ დადგენილი წესით და დადგენილ ვადებში დასაშვებია „უმაღლესი განათლების შესახებ“ საქართველოს კანონის 52¹ მუხლის მე-7 და მე 7¹ პუნქტებით გათვალისწინებული პირობისათვის.

5. სამაგისტრო პროგრამა

5.1. სამაგისტრო პროგრამა არის აკადემიური უმაღლესი განათლების მეორე საფეხურის საგანმანათლებლო პროგრამა, რომლის სწავლის შედეგებიც შეესაბამება ეროვნული კვალიფიკაციების ჩარჩოს მე-7 დონისათვის განსაზღვრულ განზოგადებულ სწავლის შედეგებს.

5.2. სამაგისტრო პროგრამის შემუშავება ხდება დეტალურ სფეროში არსებული სწავლის სფეროს შინაარსის, ამ სფეროს განვითარების ტენდენციების, ამ სფეროში მისანიჭებელი კვალიფიკაციის თავისებურებებისა და საერთაშორისო დონეზე არსებული საუკეთესო პრაქტიკის გათვალისწინებით.

5.3. სამაგისტრო პროგრამის შემუშავებაში აკადემიურ პერსონალთან ერთად ჩართულნი არიან დამსაქმებლები, სტუდენტები, კურსდამთავრებულები (არსებობის შემთხვევაში) და ადმინისტრაციული პერსონალი (მათ შორის ფაკულტეტის/სკოლის დეკანი, ხარისხის უზრუნველყოფის სამსახურის უფროსი, კურიკულუმის ექსპერტი) და სხვა დაინტერესებული მხარეები. პროგრამის შემუშავებისას სახელმძღვანელო დოკუმენტებია: საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულება“, საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „საგანმანათლებლო დაწესებულებების საგანმანათლებლო პროგრამების აკრედიტაციის დებულება“, საქართველოს განათლების, მეცნიერების, კულტურისა და სპორტის მინისტრის 2019 წლის 10 აპრილის №69/ნ ბრძანებით დამტკიცებული „ეროვნული კვალიფიკაციების ჩარჩო და სწავლის სფეროების კლასიფიკატორი“, საქართველოს განათლებისა და მეცნიერების მინისტრის 2007 წლის 5 იანვრის N3 ბრძანება „უმაღლესი საგანმანათლებლო პროგრამების კრედიტებით გაანგარიშების წესის დამტკიცების შესახებ“, დარგობრივი მახასიათებელი (არსებობის შემთხვევაში) (www.eqe.ge), „ილიას სახელწიფო

უნივერსიტეტის სტუდენტთა/პროფესიულ სტუდენტთა შეფასების, კრედიტების მინიჭებისა და რეიტინგის განსაზღვრის წესი“, ილიას სახელმწიფო უნივერსიტეტის ხარისხის უზრუნველყოფის სამსახურის მიერ შემუშავებული ინსტრუქციები და პროგრამების/კურსების წარდგენის ფორმები (www.iliauni.edu.ge).

5.4. სამაგისტრო პროგრამის კურიკულუმის დოკუმენტში მითითებულია ინფორმაცია სწავლის ხანგრძლივობის/მოცულობის, მიზნის, მისანიჭებელი კვალიფიკაციის, სწავლის შედეგების, სწავლების ენის, პროგრამაზე დაშვების წინაპირობების, პროგრამის სტრუქტურის, სწავლების მეთოდების, შეფასების წესის, დასაქმების სფეროების, სწავლისთვის აუცილებელი რესურსების შესახებ.

5.5. სამაგისტრო პროგრამის სტრუქტურაში განსაზღვრულია პროგრამის კომპონენტების (მაგ.: სასწავლო კურსები, მოდულები, ბლოკები და ა.შ.) კრედიტები, საკონტაქტო საათების რაოდენობა, წინაპირობები, სემესტრი, სტატუსი და ლექტორის ვინაობა. პროგრამას ერთვის სწავლის შედეგების რუკა. პროგრამის კომპონენტების დეტალური აღწერა მოცემულია შესაბამის დოკუმენტებში (სილაბუსებში, კონცეფციებში და ა.შ.).

5.6. სამაგისტრო პროგრამაში შესაძლებელია გათვალისწინებულ იქნას კონცენტრაცია/კონცენტრაციები, რაც გულისხმობს ძირითადი სწავლის სფეროს შესაბამისი შინაარსის სასწავლო კურსების/საგნების/მოდულების დაჯგუფებას კონკრეტულ თემაზე/საკითხზე ფოკუსირებით. კონცენტრაციას აქვს სწავლის შედეგი, რომელიც გათვალისწინებულია პროგრამის სწავლის შედეგებში. პროგრამაში კონცენტრაციის არსებობა არ ცვლის ამ პროგრამის სწავლის სფეროს ან/და მისანიჭებელ კვალიფიკაციას. კონცენტრაცია უნდა ითვალისწინებდეს არანაკლებ პროგრამის კრედიტების საერთო რაოდენობის 50%-ს.

5.7. სამაგისტრო პროგრამის მოცულობა არანაკლებ 120 კრედიტი (გარდა 5.8. პუნქტში გათვალისწინებული შემთხვევისა). მაგისტრატურაში თითოეული სემესტრის მანძილზე სტუდენტს შეუძლია დააგროვოს საშუალოდ 30 კრედიტი.

5.8. უნივერსიტეტი უფლებამოსილია, საქართველოს განათლების, მეცნიერების, კულტურისა და სპორტის მინისტრის ბრძანებით დადგენილი წესით შეიმუშაოს სამაგისტრო პროგრამა, რომელიც მოიცავს არანაკლებ 60 კრედიტს. ასეთ პროგრამაზე დაშვების წინაპირობები, საგანმანათლებლო პროგრამის კომპონენტები და კრედიტების განაწილება დგინდება ზემოთ აღნიშნული წესის შესაბამისად და შეიძლება განსხვავდებოდეს აღნიშნული სტანდარტის მოთხოვნებისაგან.

5.9. სამაგისტრო პროგრამაში გათვალისწინებულია არჩევითობა: პროგრამის სტრუქტურა სავალდებულო კურსებთან ერთად მოიცავს არჩევით და, საჭიროების შემთხვევაში, სავალდებულო არჩევით კურსებსაც. აკადემიურ გარემოში სტუდენტის ნავიგაცია უზრუნველყოფილია სასწავლო პროცესის მართვის ელექტრონული სისტემით „არგუსი“.

5.10. სამაგისტრო პროგრამის პრაქტიკული კომპონენტი ორიენტირებულია პროფესიულ საქმიანობასთან დაკავშირებული უნარებისა და კომპეტენციების განვითარებაზე. კომპონენტი შეიძლება იყოს უზრუნველყოფილი როგორც უნივერსიტეტის, ასევე უნივერსიტეტის პარტნიორი

ორგანიზაციების ბაზაზე. მიზანშეწონილია, კომპონენტი სრულდებოდეს სფეროს დამსაქმებლების (მაგ. ორგანიზაციების, კომპანიების და ა.შ.) აქტიური ჩართულობით. პრაქტიკული კომპონენტი შეიძლება იყოს განსაზღვრული, როგორც ცალკე ერთეული, ასევე ინტეგრირებული პროგრამის სასწავლო კურსებში. პროგრამაში პრაქტიკული კომპონენტი, მისი ცალკე ერთეულად არსებობის შემთხვევაში, უნდა იყოს აღწერილი შესაბამის კონცეფციაში, რომელშიც სხვა საჭირო ინფორმაციასთან ერთად უნდა იყოს მითითებული:

- კომპონენტის მიზანი;
- კომპონენტის შედეგები;
- სემესტრი, რომელშიც იქნება შემოთავაზებული კომპონენტი;
- წინაპირობა (საჭიროების შემთხვევაში)
- კომპონენტში ჩართული ორგანიზაციის/ორგანიზაციების მხარეების პასუხისმგებლობები;
- მისანიჭებელი კრედიტების რაოდენობა;
- საათების განაწილება;
- სტუდენტების სუპერვიზიის მექანიზმი;
- სტუდენტების შეფასების მექანიზმი;
- შეფასების კომპონენტები და კრიტერიუმები.

5.11. სამაგისტრო პროგრამის კვლევითი კომპონენტი ორიენტირებულია კვლევასთან დაკავშირებული უნარების განვითარებაზე. კვლევითი კომპონენტები შეიძლება ითვალისწინებდეს ლაბორატორიულ, საველე მუშაობის/ველის ჩატარებას, და ა.შ. კვლევითი კომპონენტი შეიძლება იყოს განსაზღვრული, როგორც ცალკე ერთეული, ასევე ინტეგრირებული პროგრამის სასწავლო კურსებში. ნებისმიერი ფორმატის შემთხვევაში, კომპონენტის აღწერილობაში ნათლად უნდა იყოს ჩამოყალიბებული ყველა საჭირო დეტალი, მათ შორის:

- კომპონენტის მიზანი;
- კომპონენტის შედეგები;
- კომპონენტის უზრუნველყოფისთვის საჭირო და გამოყენებული რესურსები (მათ შორის ბაზები, ლაბორატორიები, სადგურები, კვლევითი ინსტიტუტი, და ა.შ.);
- მისანიჭებელი კრედიტების რაოდენობა;
- საათების განაწილება;
- შეფასების კომპონენტები და კრიტერიუმები.

5.12. სამაგისტრო პროგრამა სრულდება სამაგისტრო ნაშრომით, რომლის მიზანია პროგრამის ფარგლებში შექმნილი კომპლექსური ცოდნის და კვლევის უნარების საფუძველზე პრობლემების გადაწყვეტის ახალი, ორიგინალური იდეების შემუშავება უახლესი მეთოდებისა და მიდგომების გამოყენებით. მიზანშეწონილია, კომპონენტი ითვალისწინებდეს პროგრამის პარტნიორების აქტიურ ჩართულობას.

5.13. სამაგისტრო ნაშრომი შეიძლება იყოს შესრულებული ინდივიდუალურად ერთი სტუდენტის მიერ ან ჯგუფურად. სამაგისტრო ნაშრომის ჯგუფურად ან ინდივიდუალურად შესრულება განისაზღვრება პროგრამის სპეციფიკით და აღწერილია ნაშრომის კონცეფციის დოკუმენტში. სამაგისტრო ნაშრომი ფასდება ერთჯერადად (დასკვნითი შეფასებით).

5.14. სამაგისტრო ნაშრომის კონცეფცია უნდა მოიცავდეს:

- კომპონენტის მიზანს;
- კომპონენტის შედეგებს;
- კომპონენტის უზრუნველყოფისთვის საჭირო და გამოყენებულ რესურსებს (მათ შორის ბაზებს, ლაბორატორიებს, სადგურებს, კვლევით ინსტიტუტებს, და ა.შ.);
- მისანიჭებელი კრედიტების რაოდენობას;
- საათების განაწილებას;
- ხელმძღვანელის/რეცენზენტის არჩევის მექანიზმს;
- ხელმძღვანელის ვალდებულებებს/მოვალეობებს;
- შეფასების კომპონენტებს და კრიტერიუმებს;
- ნაშრომის წარდგენის, რეცენზირების და დაცვის მექანიზმს;
- ინტერესთა კონფლიქტის აცილების მექანიზმს;
- ნაშრომის პლაგიატზე შემოწმების მექანიზმს.

5.15. სამაგისტრო ნაშრომი შესრულებული უნდა იყოს ილიას სახელმწიფო უნივერსიტეტის აკადემიური სტილის ან კონკრეტული პროგრამის სამაგისტრო ნაშრომის კონცეფციით განსაზღვრული, დარგისთვის რელევანტური აკადემიური სტილის შესაბამისად.

6. სამაგისტრო ნაშრომის ხელმძღვანელი/ხელმძღვანელები

6.1. სამაგისტრო ნაშრომისთვის მაგისტრანტს შეიძლება ჰყავდეს ერთი ან რამოდენიმე ხელმძღვანელი;

6.2. სამაგისტრო ნაშრომის ხელმძღვანელი/ხელმძღვანელები შეიძლება იყვნენ:

- პროგრამაში ჩართული პროფესორი/პროფესორები;
- მოწვეული პირი, რომელსაც აქვს შესაბამის მიმართულებაში ან დარგში დოქტორის აკადემიური ხარისხი;
- მოწვეული პირი, რომელსაც აქვს შესაბამის მიმართულებაში ან დარგში დოქტორის ან მაგისტრის აკადემიური ხარისხი და შესაბამის/მომიჯნავე საკითხების კვლევის გამოცდილება;
- შესაბამისი მიმართულების ან დარგის დოქტორანტი, რომელსაც აქვს დაცული პროსპექტუსი ან სადოქტორო პროგრამით გათვალისწინებული მოთხოვნების შესაბამისი პუბლიკაცია;
- შესაბამისი მიმართულების ან დარგის მკვლევარი, რომელსაც აქვს დოქტორის აკადემიური ხარისხი და ბოლო ორი წლის განმავლობაში საერთაშორისო ბაზებში შემავალ ჟურნალებში პუბლიკაცია.

7. სამაგისტრო ნაშრომის რეცენზენტი

7.1. სამაგისტრო ნაშრომისთვის მაგისტრანტს შეიძლება ჰყავდეს ერთი ან რამოდენიმე რეცენზენტი;

7.2. სამაგისტრო ნაშრომის რეცენზენტი შეიძლება იყოს:

- პროგრამაში ჩართული პროფესორი/პროფესორები;

- მოწვეული პირი, რომელსაც აქვს შესაბამის მიმართულებაში ან დარგში დოქტორის ან მაგისტრის/მაგისტრთან გათანაბრებული აკადემიური ხარისხი და შესაბამის/მომიჯნავე საკითხების კვლევის გამოცდილება;
- შესაბამისი მიმართულების ან დარგის დოქტორანტი, რომელსაც აქვს დაცული პროსპექტუსი ან სადოქტორო პროგრამით გათვალისწინებული მოთხოვნების შესაბამისი პუბლიკაცია;
- შესაბამისი მიმართულების ან დარგის მკვლევარი, რომელსაც აქვს დოქტორის აკადემიური ხარისხი და ბოლო ორი წლის განმავლობაში საერთაშორისო ბაზებში შემავალ ჟურნალებში პუბლიკაცია.

8. რეგულირებადი პროგრამები

რეგულირებადია სამაგისტრო პროგრამა, რომლისთვისაც სახელმწიფო ადგენს სპეციალურ სააკრედიტაციო მოთხოვნებს და რომელიც რეგულირდება შესაბამისი კანონმდებლობით. რეგულირებადი სამაგისტრო პროგრამა ორიენტირებულია სტუდენტის მომზადებაზე შესაბამისი რეგულირებადი პროფესიისათვის. რეგულირებადი სამაგისტრო პროგრამის შემუშავება ხდება შესაბამისი დარგობრივი მახასიათებლის საფუძველზე.

9. ინდივიდუალური პროგრამით სწავლა

სტუდენტს აქვს შესაძლებლობა, ისწავლოს ინდივიდუალური პროგრამით. მას აქვს უფლება, ამ მიზნით მიმართოს ფაკულტეტს/სკოლას და დაუსაბუთოს მის მიერ არჩეული სქემის მართებულობა და ადეკვატურობა. ინდივიდუალური პროგრამის შედგენისას გათვალისწინებული უნდა იყოს „ილიას სახელმწიფო უნივერსიტეტის სტუდენტთა/პროფესიულ სტუდენტთა შეფასების, კრედიტების მინიჭებისა და რეიტინგის განსაზღვრის წესი“ და „ილიას სახელმწიფო უნივერსიტეტის საგანმანათლებლო პროგრამის შემუშავების, დამტკიცების, მასში ცვლილების შეტანისა და გაუქმების წესისა და პროცედურების“ მე-4 მუხლით განსაზღვრული მოთხოვნები.

10. მაგისტრის ხარისხის მინიჭება

10.1. არანაკლებ 120 კრედიტის დაგროვებისა (გარდა 5.8. პუნქტით გათვალისწინებული შემთხვევებისა) და შესაბამისი სამაგისტრო პროგრამის მოთხოვნების დაკმაყოფილების შემთხვევაში სტუდენტს ენიჭება კვალიფიკაცია – „მაგისტრი“ სწავლის სფეროების კლასიფიკატორის დეტალური სფეროს ქვეშ განთავსებულ პირველ ან მეორე სვეტში მითითებულ შესაბამის სწავლის სფეროში.

10.2. სამაგისტრო საფეხურზე კონკრეტული კვალიფიკაციების ქართული და ინგლისურენოვანი დასახელებები განისაზღვრება სწავლის სფეროების მიხედვით, სწავლის სფეროების კლასიფიკატორის მე-4 მუხლის მე-11 პუნქტის შესაბამისად.

10.3. 2019 წლის 10 აპრილამდე შემუშავებული სამაგისტრო პროგრამების კურსდამთავრებულებისთვის, ამ პროგრამების სწავლის სფეროების კლასიფიკატორთან შესაბამისობაში მოყვანამდე პერიოდში მაგისტრის აკადემიური ხარისხის მინიჭების წინაპირობაა შესაბამისი მიმართულების ან დარგის/სპეციალობის ან/და ქვედარგის/სპეციალიზაციის არსებობა საქართველოს განათლებისა და მეცნიერების მინისტრის № 120/ნ ბრძანებით დამტკიცებული „ეროვნული საკვალიფიკაციო ჩარჩოს“ მიმართულებების, დარგების/სპეციალობების,

ქვედარგების/სპეციალიზაციებისა და პროფესიული სპეციალიზაციების ჩამონათვალში.